

黑龍江志稿

地 430
42

部 三 1-32

地 430
42
部 三



1040
42

黑龍江志稿

中華民國
廿有一
年十月
印於北
平次年
六月訖工

黑龍江志序

往讀吉林通志見其歷述初始之艱慨然於成功之不易而考定山川綜核人物若自矜詳慎異於他志心竊慕焉民國十八年奉命主黑龍江省政政府有省志編纂室編纂四五人詢省志原委則言民國八年所成志稿有繁蕪失當者有關畧過甚者重為芟刈排比行之有年迄未成書因以屬之張君勺圃

為籌專款聽其薦聘名宿暨原有編纂各員商榷體例期宜於今而不戾於古凡例既定分任纂輯應補行採訪者令各縣局依限造送欲其剋期成書也乃議甫定而邊釁起應聘而來者堅欲回車不得已移局北平分纂或留省署勺圃往來其間其不能如同聚一堂計日程工者勢也故原定成書之期亦復遲之又久今日獲觀厥成揆諸昔時毅然更

始之心如釋重負書之缺陷勺圃已詳言之而予則有說焉遷史八書班書十志高文典冊冠絕古今不免劉子元之指摘新舊唐書新舊五代史竟以互有短長未能偏廢正史猶且如斯而欲百餘萬言之方志完全無疵此必不可得者矣吉林通志序曰脩志之難尚矣而於吉林通志尤難豈知所舉之難黑龍江又遠過之且中更非常之變視甲午庚

子尤酷儻非遷徙一部於北平則十數年積存之舊稿與夫攸關歷史之案牘將盡付劫灰今猶有數十卷書布於當世供留心東北邊事者之參考前此固無此巨製也志之為書非一成不變者異日增脩於本書範圍擴而精之如大輅之有椎輪也幸矣我中華民國二十有一年六月農安萬福麟



民國二十一年六月黑龍江通志局總纂銅山張君伯英以書成見告且曰書成子之志也烏可無言駟興曰可迴憶前黑龍江將軍荊州恩壯敏公創議修志之日蓋閱三十六七寒暑矣當壯敏公於光緒二十一年自吉移江駟興實贊軍幕適吉林通志甫成書東三省獨黑龍江無專志每一論及壯敏嘗不憚是時北京會典館馳檄各省督修會典輿圖江圖總纂爲武進屠主事寄壯敏因約俟會典圖成卽改輿圖局爲通志局聘屠主事總纂通志屠君亦慨然任之迨輿圖於二十五年修成壯敏公遽以是冬薨於位璦琿壽公繼之次年拳匪亂作俄軍壓境壽公殉節屠君與駟興亦先後去江矣民國初年山陰朱將軍慶瀾巡按是邦駟興任綏蘭道尹雲陽涂君鳳書任使署政務廳長乃開局於城西之藏

黑龍江志稿

卷首 序二

書樓一時文彥畢集如萬縣史太守錫永崇仁黃太守維翰夔門張太守朝墉皆分任纂修未及二年因事輟業諸君風流雲散張君臨行曾手交輯成之稿十五巨冊於局中後亦不知所在滋可惜也民六以後海城鮑督軍貴卿黑山孫督軍烈臣先後兼長民政江甯鄭君謙與駟興相繼任省政廳鄭君先聘浙江連孝廉澂纂修未就駟興商請以杭城金太史梁開局於舊都未幾歷城吳督軍俊陞蒞江駟興忝攝省政私謂是書之成指日可卜不謂連年軍興庫空如洗修書之費往往愆期金君遽將編輯未竟之稿繳還省署雖以桐城張孝廉延厚補金君之所未竟者因循數年亦未卒業駟興老矣嘗慨然於此書觀成恐不及待矣農安萬君福麟督江二三年世局漸就統一邊防清暇徵文攷獻殊多缺畧

嘗以通志未成爲憾迺屬銅山張君伯英廣羅史材分類編輯博觀而約取援古以證今並爲籌儲的款尅期蒞事其書爲類十二歧爲子目又若干條分縷晰詞達理舉煌煌乎鴻篇而鉅製也書成之日駟興偕老友張君朝墉同觀竊幸數十年耿耿於中求其必得而不可得之事一旦告厥成功百朋之錫不是過也朝墉世稱半園先生昔曾從事編纂者其慰快不視駟興更有加耶至志例志法不述述其成書之緣起而已壽縣于駟興謹敘

編黑龍江通志役竣伯英語同人曰此不敢居通志之名也曰黑龍江省志彙稿方副其實通志之稿出於金氏金氏之先遞有作者民國八年金氏據之巍然成百數十冊每冊揭其上曰此長編也若通志則當待諸通人固將以間執後人之口矣而覽者謂必宜改作乃設省志分纂室於省署歷數年矣省政府主席萬公念文獻之所繫責任不專成書無期慮其久而就湮秘書長汪宗可力爲贊畫定開局重修之議伯英受任於十八年十一月先後徵聘孫公達黃申甫孫師鄭譚篆青謝剛主及家叔雲生或夙著文望或博涉典籍並原任分纂之魏馨若韓毅甫張魯箴杜雁臣皆與斯役商定凡例分十二目統名曰志析爲子目相其繁簡分任纂輯約於十九年終報最申甫任地理志公達任交涉志家叔雲

黑龍江志稿

卷首 序二

生任人物志馨若任職官志毅甫任武備志皆別創體格不襲故常乃申甫僅成唐以前之沿革稿而病數月而歿失此健者使重要之一門暫爲懸閣師鄭任財賦自謂非其所長遂輟業篆青入局最後任經政志成墾丈戶籍兩子曰馨若成職官志之職官表而缺蒙官毅甫成武備志之兵制而缺陸軍其首尾悉具者惟交涉志人物志雁臣所編之物產剛主所編之藝文雖成猶待修正時二十年二月也限於預算暫作結束復以地理志屬公達而交通學校選舉三志屬褚芳林輯稿家叔雲生爲之核定延徐惠伯重編財賦志與宗可約使魏馨若重至分纂室補職官武備之未竟者以爲如此措置於原定十二目可以具備矣遼瀋變起延及龍江馨若書言分纂室書牘及所成稿被焚無遺公達至十有

一月僅成疆域數紙時萬公卸省政宗可先以病去伯英抱疴累月厭厭一息志局已不復可支惟家叔雲生老友惠伯昕夕從事彙成全稿乃幸有以報萬公釋區區重負焉所缺地理志之建置暨陸軍蒙官一以檔案未在北平一以調查乖舛無從涉筆調查雖魯箴專任而由各屬分報其不詳不備不適於用勢也原定曰次尙有缺畧其他疏漏寧堪指數但積時三年成稿百四十餘萬言豈忍廢棄萬公自出資付印留心東北邊事者瀏覽及之箴其闕失訂其譌謬是所馨香致祝者耳銅山張伯英

黑龍江志敘目

黑龍江以水名與今遼寧吉林稱東三省方裔曠遠前史莫詳清乾隆間纂修滿洲源流考盛京通志始備錄三省之事考驗地理搜討文籍然於黑龍江仍多簡闕而私家纂著若方式濟龍沙紀畧方觀承卜魁風土記西清黑龍江外紀英和卜魁紀畧徐宗亮黑龍江述畧諸書亦復寥寥可數蓋黑龍江自隸版圖建置之大未有顯書今茲纂輯諒爲初始顧惟稽往之迹必以徵今爲主而治方志尤以輿圖爲重圖之爲用視書較切固非苟焉可也曩者圖繪未精山川方位往往疏舛棄地蹙國識者譏焉庫頁島本三姓屬地清嘉慶間島人私降日本後復與圖畫之俄展轉百年而國人遂藉以要索終米爾本伊犁屬地嘉慶會典圖畫之卡倫外俄人遂藉以要索終成矣故今博考圖籍按見制縣設治局各爲之圖凡圖若干各系

黑龍江志稿

卷首 叙目

圖說卽圖而求地域廣輪之數山川形勢之要瞭若指掌矣爰仿乾隆元年盛京通志光緒十七年吉林通志例酌加益損用符時政凡爲類十二統命之曰志曰地理第一曰經政第二曰物產第三曰財賦第四曰學校第五曰武備第六曰交涉第七曰交通第八曰職官第九曰選舉第十曰人物第十一曰藝文第十二每類之中各列子目件繫條分燦然具著共爲卷若干云

地理志若干卷凡分子目六曰沿革方志爲地理顯書地理之要厥惟沿革沿革勿明則人物山川無所傳麗是以范成大作吳郡志王鑿作姑蘇志竝首述之固不必別立沿革於地理外也黑龍江僻在東垂臨於北海唐虞而降以暨近季遷革之迹不可殫數爰稽前史參質羣書按次年代分別疏叙圖列於前約其形勢表

附於後究其詳悉凡所僞引咸著舊文不敢掠也曰晷度方志例載天文分野其說本於周官以星土辨九州之地然九州之外星坐未詳舊說傳會推驗亦疏今概刪畧唯著日月出入長短暈食及節氣時刻分秒均按度里表而出之曰疆域地志昉自圖經卽圖周覽量理易明黑龍江幅隕旣長地當邊圉國界之爭蹙失婁矣茲以今域爲據按見制縣設治局轄境四至八到悉核厥數經緯道里竝錄於圖曰山川禹貢敷土肇奠山川山川之形千古不易經界斯定黑龍江內倚興安外控黑水巨流重巒形勢險阻詳爲詮次正位辨方以東西興安嶺爲之幹羣山爲之枝黑龍松花嫩江爲之經衆水爲之緯高山大川聯絡數縣者則用互見其餘俱分隸各縣嶺壑陂池竝以類次若夫中外異音今昔殊名則別

黑龍江志稿

卷首 敘目

二

爲表俾參校焉曰建置體國經野實惟建置分職設官迺啓民治黑龍江荒曠初闢治迹未闕城池津梁無當形勢靡署所在猶從簡約然繁庶日臻嗣修漸圖則亦後者所宜知也祠廟寺觀舊制攸繫考古資焉具以附載曰禮俗禮者因人情而爲節文者也故禮從俗黑龍江爲肅慎墟域蓋自上世緣情制俗隱然有尙質之風逮於輓近新毗受地習俗浸異迺撫舊聞博訪縣邑分條綴述用符實也

經政志若干卷凡分子目四曰戶籍周官司民實掌民版良以戶口登耗與政教相關而興役定賦諸端寄焉黑龍江自昔種人雜處各爲部落清初編隸軍旗戶口漸增頻歲招集極負載塗生聚之蕃治理徵矣戶口舊無冊籍乾隆四十四年盛京通志載雍正

十二年黑龍江將軍所轄各屬行差人丁數目則皆旗丁也其編審民戶則自乾隆三十六年始披稽版籍彙書於篇其氏族之著者表以詳焉曰墾丈國之大本在乎農民之司命在乎穀有穀則用備食足則政行黑龍江土膏沃衍招募耕墾實兼扈邊惟其新舊荒熟名目章程不一茲舉顛末並述農功間復裁取公文入之庶昭規畫之勤而示百世之利也曰倉儲管子論委積詳矣漢代常平遂爲世法然屯田積穀尤爲安邊之上策黑龍江土廣穀賤民忘稼穡之勞穰歲無減羨荒年則調澹奚賴邊儲之給又繫軍食是倉儲所宜備也釐考舊檔兼錄新制輕重之法庶在斯乎曰蠲振九惠之教振困一也周禮保息之政所以養民故鄉師專職而民鮮艱阨非獨散利薄征爲恤荒已也黑龍江地處極邊時或

黑龍江志稿

卷首 叙目

三

留歉輒蒙蠲濟振廩施惠良云善政謹詳紀之

物產志若干卷凡分子目四曰植物曰動物曰礦物曰庶物黑龍江廣員數千里大山巨浸盤迴環抱老林叢樹蔽日參天凡諸雄鱗怪介鷲禽猛獸之屬卵育游翔於其間者不可勝數而其熟五穀富礦產土壤肥美庶彙咸備又足與東南諸省媲美盛矣今博考中外譜籍區以品類詳厥名狀而牧畜漁獵工藝悉附載之若前代貢品及海外貿遷而至者槩不具錄

財賦志若干卷凡分子目五曰租賦禹定九州量其貢賦三代因之秦漢而還賦之法不一或重或輕各立常規黑龍江舊多旗地旗屯官莊並無賦額按丁納糧而已歷時浸久墾戶日增廢壤旣闢科徵遂繁今條舉厥目備述始終公文規章亦復甄錄曰林礦

東北隱土寶藏富矣蓋古窩集亦號樹海歲輸材木殆以千萬計所開鑛金與煤爲最王凡茲天然之利取得其宜民生賴焉詳記稅數兼及產額覲後者善治之也曰稅捐則關市征權之規制曰鹽運則引地行銷之章程鉤稽檔冊不復刊削曰錢幣錢幣者所以御人事而施於政也黑龍江緣邊互市率用銀布猶古遺俗清乾隆間商民苦銀質重制錢缺遂私用帖厥後帖賤銀益貴市肆異用圜法大亂於是廣信公司官銀號相繼創立頗用楮券蓋官帖之行實自光緒三十年始顧以外國貨幣充斥市上雖官帖勢猶遜之錢幣龐雜民受其困茲詳述之誠邊疆財計要圖也黑龍江置省以來踰二十年興造萬端度支繁鉅其歲入歲出之數附列數表用示辜較而豐耗之迹從可知矣

學校志若干卷凡分子目二曰學制曰學務記曰建國君民教學爲先古之教者家有塾黨有庠術有序國有學蓋三代以來所以美風俗育人材者未嘗不繇於是也黑龍江古爲行國民習游牧畋獵以騎射爲能清初以武功顯者踵接而絕不知文事其建學設官則始於康熙三十四年初僅在墨爾根嗣復增置齊齊哈爾呼蘭瑗瑋等處學官然以地僻絕入學子弟率不能應額蓋其所以爲教者效甚微耳光緒季年置行省施新政縣邑學校乃以次得立圖書器用之須亦漸以供備陶獎童蒙誦日盛因編列官學學校隸於學制學田之畫分留學生之遣送則屬之學務至於學宮學署各省舊志皆列學校茲槩列入建置云

武備志若干卷凡分子目二曰兵制古者寓兵於農卒伍之衆出

於夫家而授之以田也戰國之際井田法壞迺用徵兵及唐則顯用募兵相沿至今是兵與民分矣黑龍江實肅慎遺墟弓矢之利載在周書民驍勇善騎射其平居順寒暑逐水草畜牧有事則以攻戰爲務凡步騎之仗糧皆自取備焉蓋遼金以來殆猶徵兵制也清初羅刹事平留駐防軍編旗設治此漢代屯田之法實有符乎三代寓兵於農之意其立水師營則自康熙二十二年始厥後邊竟不靖徵調日繁而遂募兵矣茲分列陸軍水師稽其尺籍兼及餉需而詳述之曰兵事黑龍江四塞之固用兵不絕而近代猶苦煩鄰國之侵暴域內之訐變曷微衰弱斯尤邦人所當深思而熟審也迺述遼金以來用兵之跡而近世之事特詳焉

交涉志若干卷凡分子目五曰界約黑龍江而北與俄羅斯境壤

黑龍江志稿

卷首 叙目

五

牙錯防禁稍疏劫掠時起清康熙二十八年因羅刹亂後與俄議分界訂尼布楚條約以額爾古納河格爾必齊河爲界雍正五年復訂恰克圖條約於是邊鄙相安無事者踰百稔咸豐八年俄請續定疆界四月訂璦琿條約五月訂天津條約黑龍江以北地烏蘇里河以東地遂屬於俄十年北京續訂條欵自烏蘇里河口而南上至興凱湖以烏蘇里及松阿察二河爲界河東之地又屬於俄而自松阿察河源踰興凱湖至白稜河順山嶺至瑚布圖河口順琿春河及海中間之嶺至圖們江口其東之地盡爲俄有謀之不臧戎心無饜信足恫也茲依光緒三十年外務部條約印本及中俄約章會要諸書詳敘事情兼撮條欵而黑龍江勘分東界約額爾古納河勘界約並附焉

此以春勘界約亦附錄於末

曰鐵路光緒

二十二年與俄合資修築東省鐵路而以華俄道勝銀行經理其事自西北入省境起臚濱東南經濱江入吉林境以達海參崴於是開鑛採木沿路財利占奪幾盡更復募巡警駐防兵置法院設自治會國棟授人滋患實深民國而後屢經交涉稍改舊章然俄人之操路事如故也因摭錄光緒宣統間所訂合同及民國十三年協定用資參覽曰航路黑龍松花二江本我境內之水與俄非有縈貫也自璦琿訂約黑水之利遂與共之及東省鐵路成而松花江航權又爲所斂且浸淫及於嫩江矣爰檢各約而條述之曰稅務則中俄鐵路合同之規定曰商務則中俄通商之章程而商埠附焉詳稽官牘並類書之惟自訂立中俄協定奉俄協定凡前各項條約概絀中俄會議廢止之本平等相互之原則重訂新約

則諸此條款會當廢耳茲溯往迹彙著一編俾閱者懲前毖後知所怵惕也

交通志若干卷凡分子目四曰驛站周官環人以路節達諸四方舍則授館而傳遽之事行夫主之斯驛站所繇昉也黑龍江之置驛站則自清康熙二十二年始羅刹之役置東路十九驛起吉林而至璦琿厥後增設南北西三路凡四十五驛吉林通志以驛站屬於武備然其用於兵事者暫耳實開黑龍江交通之先路卽今廢矣而其道里之詳可考見也因並錄之而以各縣大道附焉曰路政鐵路爲近世交通之利器灌輸百貨聯絡軍屯蓋有繫於邊防尤重黑龍江自光緒三十二年倡自築鐵路之議慘淡經營漸著成效今已築者曰齊昂鐵路曰洮昂鐵路曰呼海鐵路而齊克

鐵路正在修築因就各路地畝工程及其會計出納分條詳記至於東省鐵路已見交涉志茲不復著曰航務黑龍江襟野帶江舟楫之利達於四竟在昔荒土未闢民戶稀少僅有渡船糧船稍資輸輓故盛京通志祇列船艦附於關隘吉林通志則隸之武備今則商務日興輪舶暢通爰舉松黑郵船局戊通公司及他商船航行之規章詳著於篇若水師戰船已見武備志者不復具曰郵電黑龍江自光緒三十二年裁撤驛站改設文報局民國三年改置郵站旋復畫歸郵務局電報則創自光緒十三年電話則創自光緒三十二年茲悉詳其創始之績案牘所關竝從甄采俾後有考焉

職官志若干卷凡分子目二曰表曰傳周禮設官分職以爲民極

黑龍江志稿

卷首 叙目

七

官各有職而百事舉也黑龍江自遼金以來蓋嘗建國置官而方志獨得著其守土之吏仿漢書百官公卿表先詳官制次叙官名悉按官秩詮次其人其有名績者列傳於後若札賚特杜爾伯特後郭爾羅斯伊克明安四旗則別爲旗官表俾示建置規模也民國而後改官專治名位之併析非一職守之襲易互殊因事參稽重加薈萃凡文武自薦任職以上者具官姓氏並詳焉

選舉志若干卷凡分子目二曰科目曰議員周官太宰以八統馭萬民進賢其一也而進賢以學校爲重故鄉里所舉賓興所獻者必先教於鄉州之學以次升於國學升於司馬曰秀士選士俊士進士者皆鄉州所教之人是鄉舉里選之制其與學校一以貫之矣後世取士別爲科目雖著膠庠之籍實無師儒之教而今議員

選舉益非隸於學校之官也黑龍江遠同荒服文教初開清制東三省又以騎射爲重凡入仕者不必假科目進身故滿蒙漢軍學額無定卽有蒙旗應試者亦不過數人初附奉天繼附吉林其民籍學額始定於光緒四年厥後呼蘭綏化文武學童應試漸多或至百數十人風氣稍稍振矣各省舊志選舉載至五貢止黑龍江學額旣少特廣其途而收之凡入學附生成具載之至議員選舉實自宣統元年諮議局始民國以來四舉省議會議員三舉參衆兩院議員一舉國民會議議員而各縣縣議會參事會教育會商會之選舉品流雖別人材蔚興例當備書迺依盛京通志列爲顯門各省舊志選舉或隸學校或隸人物於義則偏不敢從也

人物志若干卷凡分子目三曰先哲方志之作原本史體其例則

黑龍江志稿

卷首 叙目

八

寬於史是以論載人物固宜詳備俾有以補正史之遺佚黑龍江自昔種族羣居文字殊異卽有勲績爛然施於一世者往往無碑誌以傳厥後故今傳其人物必取資於正史然漸滅無聞者多矣各省舊志每於人物外別列名目義實未安茲迺博采史乘兼訪耆舊自漢唐以降暨於今茲按次年代鉤稽異同各爲傳畧不復繁爲部居而鉅人長德武功治績於斯著矣若其郡望不明范以方域稍涉疑者槩不闌入曰流寓謫居僑寄寥寥焉耳然其間有潛心纂述裨於風教餘韵穆然至今猶可仿佛斯亦文獻所係不可畧也曰列女依吉林通志例舉凡節婦烈婦貞女烈女竝傳其實不復分目其事佚者則著姓氏列爲表

藝文志若干卷凡分子目二曰目錄藝文僅著目錄此史例也黑

龍江文教初興著作未弘茲所哀錄殆盡於斯因首列黑龍江人所自著書而凡論述黑龍江者編次於後曰文徵蓋取章學誠之說

章氏論文徵待訪錄於經濟策畫云臣工奏議官司條教實事既見於策對草野徵待訪於經濟策畫於時地相需出其經濟實事既見於時施空言不能兼收文徵之凡輯何容緩與廣搜中外論著有關於時志傳不能兼收文徵之凡輯何容緩與

黑龍江吏治民生山川風土者零篇斷簡竝爲登錄俾資考鏡而辭章詩賦亦以類附之至於金石各省舊志皆立顓門鄭樵曰金石之功寒暑無變以茲稽古庶不失真斯語亮已黑龍江碑器絕少搜羅非易顧此拓錄足資證史思復湮失遂疏全文附著於是